



Sjekkliste for egenrevisjon

35 MJØLK

© Stiftelsen Norsk Mat
Versjon 2023.10

Spørsmål som krever dokumentasjon vises med symbolet



35.1 MJØLKEROM

35.1.1 Er mjølkerommet reint og ryddig, og er det lagt til rette for god hygiene?

Legg til rette for god hygiene ved å syte for at mjølkerommet er halde godt ved like. Golv og vegger skal alltid vere reine. Mjølkerommet må vere tett og sikra mot at skadedyr kan komme inn. Væske skal leiast bort, og avfall skal fjernast. Det skal vere ein tilgjengeleg spyleslange i rommet, mellom anna til å spyle tanken med kvar gong mjølka har blitt henta.

§ Krav

Animaliehygieneforskriften	Lovkrav
----------------------------	---------

Svar		
Ja	Nei	Ikke aktuelt

35.1.2 Er mjølkerommet åtskilt frå husdyrromma, og blir det berre brukt til oppbevaring av mjølk og vasking av mjølkeutstyr?

Mjølkerommet skal vere åtskilt frå husdyrromma og ha godt lys. Det skal ha god ventilasjon til alle tider av året, slik at det alltid er frost- og kondensfritt. Mjølkerommet skal berre nyttast til utstyr som har med mjølking og vasking av mjølkeutstyr å gjere. Det skal ikkje opphalde seg dyr av noko slag i mjølkerommet.

Svar		
Ja	Nei	Ikke aktuelt

35.1.3 Går utslepp frå mjølkerommet til eit godkjent avløp eller til gjødsellageret?

Utslepp frå mjølkerommet skal gå til eit godkjent avløp eller til gjødsellageret, slik at det ikkje er fare for at vatn og vassdrag kan bli forureina.

Svar		
Ja	Nei	Ikke aktuelt

35.1.4 Har du ei dør eller ei anna innretning som berre blir nytta av mjølkebilsjåførar?

Inn til mjølkerommet, skal det vere ei dør eller ei anna innretning som berre blir nytta av tankbilsjåførar som hentar mjølk. Dette skal førebygge smitte mellom buskarar.

§ Krav

Dyrehelseforskriften	Lovkrav
----------------------	---------

Svar		
Ja	Nei	Ikke aktuelt

35.2 MJØLKING

35.2.1 Er det ein eigna stad til å vaske hender og armar i nærleiken av der mjølkinga skjer?

Det skal finnast ein eigna plass der alle som arbeider med mjølking, kan vaske hender og armar. Dei som jobbar med mjølking, skal òg ha rene og føremålstenlege klede.

Svar		
Ja	Nei	Ikke aktuelt

35.2.2 Har du rutinar som sikrar at mjølka garden leverer, berre kjem frå friske dyr?

Mjølkk du leverer til meieriet, skal berre komme frå friske dyr. Bruk prøvekoppe eller andre metodar for å undersøkje mjølka før mjølkning.

Når skal du halde tilbake mjølk?

Dersom det blir påvist synlege forandringar i mjølka, skal du halde ho tilbake. Det same skal du gjere med mjølk frå dyr som får medisinar. Ver òg merksam på at andre middel som blir nytta, til dømes lusemiddel, kan gjere det nødvendig å halde tilbake mjølk i ein periode.

Gjer det lett for alle å vite kva mjølk som ikkje skal til meieriet

Det er viktig å ha eit system som gjer at alle som tek del i mjølkninga, veit kva for dyr det er som får medisinar. Dette skal tryggje at mjølk med medisinrestar ikkje blir levert til meieriet.

Heng opp lappar for tilbakehald av mjølk og kjøtt ved dei dyra det gjeld. Lappane må vere synlege for alle som mjølkar.

§ Krav

Animaliehygieneforskriften	Lovkrav
----------------------------	---------

Svar		
Ja	Nei	Ikke aktuelt

35.2.3 Skjer reingjeringa av jur, spenepleie og vask av mjølkeanlegget på ein slik måte at mjølka er fri for reststoff? Dersom du bruker mjølkerobot: Har du daglege rutinar for å kontrollere at reingjering av jur og vask av anlegget fungerer som det skal?

Vaske- og desinfeksjonsmiddel, middel mot skadedyr og produkt til spenepleie og jurhygiene kan gje reststoff i mjølka.

Bransjen tilrår å skylje tanken og røyra med varmt vatn før ein mjølkar. På denne måten kan ein unngå at restar av vaskemiddel og desinfeksjonsmiddel blir med i mjølka. Produkt til spenepleie og jurhygiene bør ein berre bruke når det er trong for det, og i så fall etter mjølkning.

Svar		
Ja	Nei	Ikke aktuelt

35.2.4 Kontrollerer du temperaturen og nedkjølinga på mjølketanken kvar dag?

Tanken skal kjøle ned mjølka til under 6 °C. Bransjen tilrår at mjølka blir kjølt ned til under 4 °C innan 2 timar. Temperatursvikt eller manglande kjøling gjev stor fare for bakterievekst. I slike tilfelle må du kontakte tankservice for vidare oppfølging.

§ Krav

Animaliehygieneforskriften	Lovkrav
----------------------------	---------

Svar		
Ja	Nei	Ikke aktuelt

35.2.5 Blir rutine for mjølkning på garden følgde av alle som tek del i dette arbeidet?

Alle som er med på mjølkninga, skal vere kjende med rutine garden har for dette arbeidet. Rutinar for god hygiene og rask nedkjøling av mjølka er svært viktige for å syte for at mjølka held god kvalitet. I tillegg er det vesentleg at alle er kjende med reglar og rutinar for mjølk som inneheld medisinar.

Andre viktige rutinar er å syte for at spenar, jur og nærliggjande område alltid er reine før mjølkninga startar, og å skifte mjølkefilteret så ofte som nødvendig. I eit tradisjonelt mjølkeanlegg skal filteret skiftast mellom kvar mjølkning. I ein mjølkerobot bør det skiftast minst to gongar per dag.

Svar		
Ja	Nei	Ikke aktuelt



35.2.6 Dersom garden har ei eiga vasskjelde: Er det drikkevasskvalitet på vatnet som blir nytta ved mjølking og reingjering av mjølkeutstyr, og kan du dokumentere dette med ei årleg vassprøve?

Ta vassprøve kvar haust

Dersom du bruker vatn frå di eiga private vasskjelde, skal du frå august til november kvar haust ta ei vassprøve som du sender til analyse. Oppbevar analyseresultata i 2 år. Vi tilrår òg at du merkjer av vasskjelda og alle vassførande leidningar på eit kart.

Vatnet skal halde drikkevasskvalitet

Det er eit krav at vatn ein nyttar ved mjølking og reingjering av mjølkeutstyr, skal halde drikkevasskvalitet. Analyselaboratoriet du bruker, skal kunne opplyse om vassprøva held dette nivået.

Er du knytt til eit offentleg godkjent vassverk?

Då er det i så fall vassverket som tek vassprøver og oppbevarer analyseresultata.

Svar		
Ja	Nei	Ikke aktuelt

§ Krav

Drikkevannsforskriften	Lovkrav
------------------------	---------

35.3 BRANN- OG EL-SIKKERHEIT I MJØLKEPRODUKSJON

35.3.1

Er det nok sløkkjeutstyr i bygget, er det plassert lett synleg, og er det klart til bruk?

I byggjeforskriftene er kravet om nok sløkkjeutstyr formulert slik: «I eller på alle byggverk der brann kan oppstå, skal det være manuelt brannsløkkingsutstyr for effektiv slokkeinnsats i brannens startfase.»

Plasser brannsløkkingsapparat ved inngangar til / utgangar frå alle brannceller

Faglege tilrådingar seier at det minimum skal vere eitt brannsløkkingsapparat ved inngangar til / utgangar frå alle brannceller, og i alle rom med stor brannbelastning. Ved inngangsdører der det er plassert eit brannsløkkingsapparat, bør det vere eit oppslag om at det er plassert apparat innanfor døra.

I samband med den årlege gjennomgangen din av elektrisk anlegg og utstyr er det viktig at du vurderer om du har nok brannsløkkingsutstyr.

Norsk Standard set krav til brannsløkkingsapparat

Ifølgje *NS-EN 3-7 Brannmateriell – Håndslukkere Del 7: Egenskaper, ytelseskrav og prøvingsmetoder* kan handsløkkjeapparat vere pulverapparat på minimum 6 kg med ABC-pulver eller skum- og vassapparat på minimum 9 liter eller på minimum 6 liter og med effektivitetsklasse minst 21A. (Effektivitetsklasse er ein del av informasjonen du finn på apparatet)

Brannsløkkingsutstyr skal oppbevarast lett tilgjengeleg og vere klart til bruk.

§ Krav

Arbeidsplassforskriften	Lovkrav
-------------------------	---------

Svar		
Ja	Nei	Ikke aktuelt



35.3.2

Blir det gjennomført fagleg kontroll av det elektriske anlegget minimum kvart tredje år?

Den som eig produksjonsdyra, eller ein annan som har ansvar for dei, skal sørge for at det blir gjennomført fagleg kontroll av det elektriske anlegget minimum kvart tredje år.

Les meir om kva fagleg kontroll er, og korleis han blir gjennomført, på fgsikring.no.

§ Krav

Brannsikring i husdyrrom	Lovkrav
--------------------------	---------

Svar		
Ja	Nei	Ikke aktuelt

35.3.3

Er det installert brannalarmanlegg i driftsbygninga?

For driftsbygningar som er sette opp i samsvar med *byggteknisk forskrift* frå 2010 (TEK 10, og vidareført i TEK 17), gjeld kravet om brannalarm frå første dyr.

Storfe

Alle driftsbygningar der ein held meir enn 30 storfe, skal ha eit tilfredsstillande system for varsling av brann.

Småfe

Når det gjeld driftsbygningar med småfe, er kravet at bygninga skal ha brannalarmanlegg dersom ein held 30 vinterfôra dyr eller meir der. Vinterfôra dyr er avlsdyr per 1. januar. Avlsdyr er småfe inkludert årslam som ein bruker eller planlegg å bruke til avl, og som er påsette/bedekte eller planlagde påsette/bedekte. Kje som er fødde etter 1. januar, og som ikkje er avlsdyr den vinteren dei er fødde, tel ikkje med i grunnlaget. Ein legg til grunn at dei fleste kje blir fødde etter 1. januar.

På mattilsynet.no finn du meir informasjon om føresegner om brannsikring i fjøs.

§ Krav

Informasjon fra Mattilsynet	Informasjon
-----------------------------	-------------

Svar		
Ja	Nei	Ikke aktuelt

